

[פרשת ויגש] יח ויגש אליו יהודה ויאמר
בני אדני ידבר-נא עבדך דבר באזני אדני
ואל-יחר אפיך בעבדך כי כמוך כפרעה:
יט אדני שאל את-עבדיו לאמר היש-לכם
אב או-אח: כ ונאמר אל-אדני יש-לנו אב
זקן וילד זקנים קטן ואחיו מות ויותר הוא
לבדו לאמו ואביו אהבו: כא ותאמר
אל-עבדך הורדהו אלי ואשימה עיני
עליו: כב ונאמר אל-אדני לא-יוכל הנער
לעזב את-אביו ועזב את-אביו ומת:
כג ותאמר אל-עבדך אם-לא ירד אחיכם
הקטן אתכם לא תספון לראות פני:
כד ויהי כי עלינו אל-עבדך אבי ונגד-לו
את דברי אדני: כה ויאמר אבינו שבו
שברו-לנו מעט-אכל: כו ונאמר לא נוכל
לרדת אם-יש אחינו הקטן אתנו וירדנו
כי-לא נוכל לראות פני האיש ואחינו
הקטן איננו אתנו: כז ויאמר עבדך אבי
אלינו אתם ידעתם כי שנים ילדה-לי
אשתי: כח ויצא האחד מאתי ואמר אף
טרף טרף ולא ראיתיו עד-הנה:
כט ולקחתם גם-את-זה מעם פני וקרהו
אסון והורדתם את-שיבתי ברעה שאלה:
ל ועתה כבאלי אל-עבדך אבי והנער איננו
אתנו ונפשו קשורה בנפשו: